

**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Observationes in Cap. II. De Jure Personarum.

---

[urn:nbn:de:hbz:466:1-74413](#)

quæ vetant vendere licentiam docendi, eam denerare; & pecunias à Scholaribus exigere; sunt *Confectoria REG. XV. & XVI.* quæ præcipiant, institui Magistros, eisque honestum salarium assignari; indè enim sequitur, licentiam docendi non esse recusandam, eam gratis esse concedendam, & gratis quoque docendum.

Textus laudatus in *Reg. XXI.* Argumento alienus est: quippe qui loquuntur de Commendatariis Templi, qui vocantur *Præceptores*; & valde discrepant à *Præceptoribus Artium*, quibus ille applicatur. Idem est de *Reg. XXIII.* de aliquor Medicorum Officiis loquentes, quæ Studium non respiciunt.

Septem *REG.* sequentes sub *Tit. de Jure Civitatum*, convenient Burgis & Pagis, quæ vulgo distinguuntur ab Urbibus, quæ vocantur *Civitates*. *Prima* docet, res à majore parte, Corpus Urbis exhibente, gestas, attribui Corpori; principium non solum omni loco habitato, sed etiam omni Collegio applicabile. *Secunda*, loquitur de Ornamentis Civium, & de fuso Mulierum. *Tertia*, vetat Nundinas in Ecclesiis, aut in Cæmeterii constituit. *Quarta*, Concilia in iisdem locis haberi. *Quinta*, Conventus Ecclesiasticos diebus solemnis deseri, ad visenda spectacula. *Sexta & Septima*, loquuntur de exemptione à muniberibus publicis in gratiam Cœcorum, Minorum, aliarumque Personarum, qui eam amittunt, si nominati solemniter non conquerantur, nisi forte Minoris sint 25. annis.

#### OBSERVATIONES in CAP. II. de JURE PERSONARUM.

Quod dicitur h̄c de Jure Patrum, Tutorum, Cūratorum, & illorum, qui ipsis subjacent, Tractatui de Matrimonio egregiè connecti potuissent. Quod adjicitur de Jure Servorum & Patronorum, Matrimonio, quoque inferi potuissent, ubi fit sermo de Impedimento Servitutis, vel dispensatione de Ordinibus, eorumque Impedimentis, quorum unum est Servitus.

#### QUESTIO I.

Loquendo de Jure Parentum erga Liberos, & Liberorum erga Parentes, observandum erat, obligationem ad alimenta præstanda, esse reciprocā. *Reg. III.* ubi etiam notandum erat, quod, si Matrimonium malā fide contrahatur inter prohibitas Personas, Jus Civile Liberos privat facultate petendorum alimentorum, quæ ipsis à Jure Canonico conceditur; *Cap. 5. de eo, qui duxit &c.* id probat. Quod *Reg. IV.* dicitur, institutionem Liberorum à Parentibus Infidelibus natorum antè conversionem ad Fidem, pertinere ad eum, qui conversus est; restringendum erat ad casum, quo triennium compleverunt.

*Quest. II. Spurii. Exceptio II. Reg. VI.* malè Concipitur: ibi insinuat, Liberos à Parentibus Infidelibus natos in gradu prohibito, legitimis fieri per illorum conversionem ad Fidem. Dicendum erat, ejusmodi Liberos esse legitimos; posito quod prohibitiō merè Ecclesiastica sit, & non Divina.

Quod dicitur *Reg. VII.* de Liberis ex Adulterio natis, eos, per Matrimonium subsequens, non legitimari; extenditur ad eos, qui nati sunt ex Incesto, Sacrifilio, alijs quilibet conjugatione Personarum, quæ conjugari invicem non poterant.

*Reg. VIII.* adjiciendum est, Legitimationem, quæ fit à Pontifice, locum habere solum, quoad Spiritualia; Principis verò autoritatem necessariam esse, quoad Temporalia.

*Reg. XI.* addendum erat; nisi *Consuetudo seu Lex Regionis contraria sit*: illa enim cavere potest, ut Patriis conditionem Liberi sequantur.

*A Reg. XII.* excipiendo erat Casus, quo *Questio* est incidens; hoc enim in Casu Magistratus de Legitimitate Liberorum, sicut & Matrimoniorum, cognoscit.

*Reg. XIII. XIV. XV.* non convenient Argumento Spuriorum, nam loquuntur de Liberis legitimis; quod autem dicunt, re ipsa non habet locum, nisi confirmetur à Principe, à quo Patria Poteftas Civilis derivate.

*Quest. III. Tutela & Cura : Reg. XVI.* dicenti, Clericos & Monachos à Tutelâ & Curâ immunes esse, adjiciendum erat, solum Canonem *Generaliter, 40. Caus. XVI.* *Quest. I.* loqui de Curâ, & restringere privilegium ad Clericos, qui resident, suasque Ecclesiæ desserviunt, & ad Monachos, qui suis in Monasteriis commonorantur. Desumptus est ex eodem *Titul. de Episcop. & Cleric. Canon. fm. Dist. LXXXVIII.* defumptus est à S. CYPRIANO, & orare vetat pro viro, qui Sacerdotem Liberorum suorum Tutorem nuncupaverat. Ad intelligendam *Reg. XVII.* quæ sub finem dicit, Tutelam non continuo finiri cum Pubertate; duplex species Pubertatis distingueda est; alia *Naturalis*, quæ XIV. Annos in Pueris & XII. in Pueris, quandòque antecedit; alia *Civilis*, quæ usque ad illud durat, ante quod Naturalis nonnumquam definit: quo in casu, Tutela non finitur; nam ejus duratio juxta Puberatatem Civilem astimatur.

*Cap. 67. de Appell. laudatum in Except. Reg. XVIII.* docet, Matrem amittere Tutelam Liberorum suorum, per secundum Matrimonium, & sic fieri immunem à Curâ gerendi negotia pupillaria, quæ inchoavat, quæ transī ad Tutorem subrogatum.

*Quest. IV. de Jure Servorum. Regula* hanc resipientes, scilicet à XIX. usque ad XXXIII. inclusivè, magis curiosa sunt, quam utiles; à pluribus enim retro Sæculis abrogata est Servitus. Proinde, ha Regula nullius esse possunt usus in praxi; ideoque sufficiet observare, Libertatem favorem meruisse tantum, ut Infans nasceretur liber, posito quod ejus Mater talis foret tempore conceptionis, aut partus, aut intermedio.

Regularum doctrina reducitur ad vias, quibus Libertas acquirebatur, & casus, quibus amitterebatur. Religio Christiana multum influxit ad Servitutis abrogationem: cum Servus, Christianus fieri volebat, Liber fiebat; Episcopatus libertatem dabat; consensu tacitus Domini ad Servorum suorum Ordinationem, eos manumisit, manumisso, quæ fiebat in Ecclesiis, plura habebat Privilegia, quam alia quævis.

Quod legitur in *Reg. XXVI.* circa manumissionem factam ab Episcopo, aut Abbatte, Servorum Ecclesiæ aut Monasteri, pertinet ad alienationem, ejusque sortem sequitur: Itaque valida erat in casibus, quies alienatio reliquorum Ecclesiæ Bonorum licita erat; irrita vero, cum hæc erat illicita: proinde, ad ejus expositionem, repetenda sunt ea, quæ dicta sunt suprà, circa alienationem. *Cap. XV. Lib. III.*

*Reg. XXXIII.* pertinet ad spurias causas dissolutionis Matrimonii; nam falsum est, Servitutem supervenientem Matrimonium dissolvere.

*Reg. XXXII.* pertinet ad *Quæstionem* sequentem: referunt enim ad Jus Patronatū proveniens ex manumissione Servorum, qui erant in potestate.

Inter hujus *Quæstionis* Regulas, plures Ecclesiæ favoribiles sunt; talis est *XXXIV.* quæ dicit, Patronum amittere Jus suum, si Libertus fiat, Clericus, aut Monachus: *XXXVII.* quæ dicit, Ecclesiæ, cui Libertus à Patrono commendati fuere, Jus Patronatū consequi, commendatione pro translatione Juris Patronatū reputat. *III.* quæ docet, Ecclesiæ habere Jus Patronatū in Filios Libertorum. *XLII.* docens, Ecclesiæ Libertos bona sua alienare non posse. *XLIII.* quæ Ecclesiæ tribuit successionem ad omnia Libertorum suorum bona.

*Reg.*

REG. XXXIX. & XL. convenient cum REG. XV.  
Cap. I. Nam, sicut Pater, qui Filium exponit, vel alii-  
menta denegat, Patriam amittit Potestatem, ita Pa-  
tronus in Libertos suos barbarus, amittit Jus Patro-  
natū.

Ad captum Exceptionis II. REG. XXVI. & REG.  
XXXV. & XLI. adeundus est GONZALES in Cap. uni-  
cum, de natis ex lib. vent. & in Cap. I. de Servis non  
ordinandis, ubi loquitur de pluribus manumissionis  
speciebus, earumque effectibus, nempe, variis spe-  
ciebus libertatis, quae eas sequuntur.

Ceterū, quod continetur hoc in Capite, solas  
Personas Sæculares respicit; inter quas tamen omisi-  
fuerunt Principes, & Magistratus. De Personis Eccle-  
siasticis in Lib. III. disertatur, qui agit de Episcopis  
aliisve Prælatis Ecclesiasticis, Sæcularibus, aut Regu-  
laribus, de Presbyteris, Diaconis, Subdiaconis, aliis-  
que Clericis inferioribus, de Religiosis: & haec sunt præ-  
cipue Personæ, circa quas Jus Canonicum statuere  
possit.

#### OBSERVATIONES in CAP. III. de JURE RERUM.

De Rebus Ecclesiasticis actum fuit Lib. III. & con-  
sequenter de iis, quae ad illas pertinent. Hic specia-  
liter agitur de Rebus Sæcularibus, & de principiis  
utrisque communibus.

Dividitur in QUÆSTIONES VI. quæ respiciunt Do-  
minum, Possessionem, Usumfructum, Res Sacras,  
Sanctas & Religiosas, Res Communes. Quod dici-  
tur in singulas Quæstiones, excepta Quartâ, pertinet  
ad Jus Civile. Multæ sunt repetitiones circâ acceptio-  
nem possessionis, restitutionem spoliatorum, præ-  
scriptionem. Reperiuntur nihilominus aliquot Regu-  
lae, seu Exceptiones, quæ pertinent ad Jus Canoni-  
cum, idèque hic notabuntur: talis 1. est Exceptio REG.  
I. quæ docet, Res in Bello injusto acquisitas, injustè  
detineri. 2. REG. II. quæ dicit, Res amitti iisdem viis,  
per quas acquiruntur; 3. Exceptio REG. VI. dicens,  
rei petitæ pretium duntaxat obtineri, si ea conse-  
crata sit; 4. Exceptio REG. III. eum, qui dolo posses-  
sionem in alium transfert, pro Possessore haberi. 5.  
REG. VII. pertinet ad Tit. de Libell. Oblat. in qua di-  
citur, Actorem designare debere Rem petitam; 6.  
Exceptio REG. VIII. dicens, eum, qui ab alio, quam  
Domino, bona fide quidpiam emit, non posse huic  
pretium condicere; 7. REG. XIII. ferens, eum, cui  
Census prædiis solvitur, ejus Dominum reputari. 8.  
REG. XXIX. XXX. XXXI. confundunt Res Sanctas  
cum Sacris & Religiosis, quamvis in Titulo distinguan-  
tur; leviorē esse differentiam Autor duxit, idèo-  
que negligendam.

Quod dicitur in REG. XXX. locum fieri Religiosum,  
si Mortuus in eo speliatur; modò non sit Hæreticus:  
non est verum, quoad Jus Canonicum, docens, lo-  
cum non fieri Religiosum Sepulturâ, sed Benedictione,  
qua eum ad Sepulturam destinat; Locus autem sic  
benedictus polluitur, si in eo speliatur persona  
Sacra Sepulturâ privata; videlicet, non solum Hære-  
tici, sed etiam Pagani, Excommunicati, & ii, qui  
quis Ecclesiarum aditus est interdictus, vel qui specia-  
liter à Sepulturâ Sacra interdicuntur. Omnis Locus ad  
pius opus destinatus, Religiosus vocatur.

#### OBSERVATIONES in CAP. IV. de CENSIBUS.

Referendæ erant varia significations verbi *Census*,  
ut agnosceretur, quomodo hic accipiatur: consistendo  
enim intrâ Tit. de Censib. significat *Reditum*, *Pensionem*,  
*Subsidium Charitativum*, *Procurationem*, *Contri-  
butionem*, *Capitationem*; eum Autor accipi pro *Pensione annua* & pro *Procuratione*. Rursus observandum  
erat, verum Censem esse Pensionem perpetuam in  
fundos alterius: Pensiones ad tempus, etiam ad vitam,

non esse verum Censem: undè fit, ut Prælati, qui  
novos Census imponere prohibentur, & veteres au-  
gere, Pensiones annuas in quibusdam casibus assigna-  
re possint. Cum Subsidium Charitativum, temporale  
fit, & extinguui debeat cum necessitate, quæ illud  
exigi cogit, & probat, Censis vocari non potest.

Alia Observatio necessaria, est, significationem  
verbi *Census* valde germanam esse, *Reditum*; Undè  
nascitur divisio Census in *Feudalem*, & *Emphyteuticum*,  
qui sunt *Reditus*, quorum ille debetur Domino à quo  
Feudum tenetur; hic debetur ei, qui fundum ad Em-  
phyteufum concepsit.

Caput hoc dividitur in QUÆSTIONES III. Quod di-  
citur in Primâ, ad unicam Regulam reducitur; nem-  
pè, Ecclesiæ ab omni onere immunes esse ex beneficio  
Principis, qui sic in eis honoraturum se duxit Domini-  
num, cui consecrata sunt; igitur, nequeunt onerari  
Censi, nisi in casibus per Canones comprobatis.  
Primus, est casus Fundationis, qui æquissimus est,  
nam ii, qui bona sua largiuntur, habent jus legem,  
quam volent, dono suo dicendi. Secundus, est ca-  
sus exceptionis, aut remissionis Jurium Episcopaliū  
Cap. 6. de Relig. Domib. casus hic restringi debet ad  
remissionem Jurium Temporalium; quæ, si fiat sub lege  
Censi, est Abbonationis species, similis ei, quæ fit  
in quibusdam Locis quoad Decimas; quod nullam ha-  
bet speciem mali, ideo quod utrumque Temporalia  
conferantur; sed si Census constituantur, ratione re-  
missionis Jurium Spiritualium, aliqua saltem appetat  
Simonis species; quia Spiritualia pro Temporalibus,  
& vicissim, dari videntur; Tertius, est casus, qui ab  
Autore omittitur; nempe erectionis unius Parochiæ  
intrâ Districtum alterius; adstringitur Ecclesia nova ad  
solendum Censem veteri, Cap. 3. de ædific. Ecclesiæ.  
Ratio hujus Textus applicationem suam habet erectioni  
Episcopatus intrâ Diocesim alterius; locum habe-  
re etiam potest in unionē alieijus Ecclesiæ alteri, in  
præsidium ejus, à quâ Ecclesia unita pendebar.

Quod in Replicat. V. ejusque Duplicatione dicitur,  
reducitur ad Regulam; scilicet, ad institutionem Cen-  
sus super aliqua Ecclesia, requiritur autoritas Superio-  
ris, & justa causa. Ratio hujus Regulæ est, quod in  
hac institutione fiat quædam alienatio: porro, in  
omni alienatione Superioris autoritas & justa causa ne-  
cessaria sunt.

#### QUÆST. II. Quid, & Quantum debeatur?

REGULA I. est mera applicatio Regulæ generalis  
Censi accommodata; nempe, nihil exigendum esse,  
nisi quod debetur. REG. II. Procurationem cum Cen-  
su confundit, quamvis Procuratio non debeatur, nisi  
in casu Visitationis, & ad exhibenda alimenta Vista-  
tori: Census autem quotannis solvitur, quodlibet acci-  
dat, & independenter ab omni actu ejus, cui debetur.

REG. III. inititur Regula, *Odia restringi convenit*:  
nam Census est Servitus, & sic odiosus est: itaque,  
solvendus est juxta minorem mensuram. Hic sensus  
unus est ex iis, qui dari possunt Regula, *in obscuris  
minimum est sequendum*. Reg. 30. in 6. Itaque, videtur  
hanc REG. III. non habere locum, nisi in dubio.  
Textus laudatus loquitur de Voto, quod videtur fa-  
vorabile respectivè ad Deum, sed odiosum quoad ejus  
Ministros, quos non decet rigorose exigere id, quod  
sibi debetur ex Fidelium Devotione. Videbis, hunc  
Textum, nec non Commentarium GONZALEZ. In il-  
lum dubium oriebatur, ex eo quod plures erant  
Mensurae ejusdem nominis, licet inæquales.

Quod diximus de Mensurâ, locum habet quoad  
Monetam, in casu dubii, ob eamdem rationem.  
Porro, Cap. 20. jubet, Censem solvi in Moneta tem-  
poris, quo fuerat constitutus; ideo quod apparebat,  
talem fuisse voluntatem Constituentium.

QUÆST.